

p. 8

1-2

敘

四書會要錄者輯五黃

先生會集先儒特賢之

論述錄其要而析衷之

者也先生經明行修歷
來學使者無不遇以國
士文名播宇內而先生
恥事奔競足不一及貴

要之門或設絳帳以相
延槩弗就惟閉戶授徒
士沐教育而補博士弟
子者每歲科試必數人

其捷於鄉會榜者亦每
多有而先生甲子未週
已謝棘闈不入恬然澹
然竟以明經老也先君

子與爲素心交令余兩

弟

道南世南

暨余子敏

來

胥受業其教及門也

勤

二

懇

二

尤

以講明書

理爲務自或問語類大
全蒙存諸書以及晚邨
稼書各先生講義靡弗
擷其精粹手筆成編而

附己見於其後先君子
溪爲服膺名之曰會要
將梓而傳之以病不果
而先君子謝世矣曩歲

己丑諸從遊鏤其大畧
而全豹未窺茲乃盡登
諸梓屬敘於余余謹本
先君子遺意述其由來


至其書包括羣言折衷
至當字簡於諸本而發
擗倍多闡揚理性之幽
微羽翼儒先之論述宇

內溪心斯道者覽而自
得之無俟余言而始信
矣

康熙五十九年歲在庚

子四月吉年家眷侍生

楚邵車鼎晉頓首拜書



序

講書之刻無慮數十家其簡者
既難於發明其繁者撫引多端
使閱者目眩意迷茫無歸着均
非所以便於講習也輯五黃先

生授徒南郊麟共硯席久先生
研窮書理彙萃先儒時賢諸說
為之折衷每訂一義必與麟輩
審酌再四乃筆於編蓋虛懷下
問雖土壤細流之助不辭也厯

年所錄凡數十萬言考究苦心
同門不敢沒爰相與付諸梓其
中發揮理奧者倍為剴切分明
凡看四書者所疑覽此便豁然
以解甚至字句細微靡弗剖而

析焉所謂擇焉而精語焉而詳
者是書正無之矣先生造就後
學桃李成蹊令嗣能文者三膏
茂早列賢書東升嗣登鄉貢是
書既出更大有補於士林傳經